



OTA: Literatura – Historia di nos piscadornan



Marco Christiaans



PERSEVERANCIA



Scirbi pa Marco Christiaans

Lesamento ta un forma di construi nos mundo y nos aporte ta sera conoci cu nos escritornan local.

Señor Marco Christiaans, un autor local, cu por medio di su buki "Perseverancia" kier a duna un reconocimiento special na nos piscadornan di antaño.

Kico Señor Christiaans tabata haci promer cu a baha cu pension?

Mi tabata activo como politico pa 24 aña. Mi a drenta e mundo di politica na aña 1977, riba peticion di Watty Vos (q.e.p.d.), y mi a keda activo te cu 3 aña pasa ora cu mi a baha cu pension. For di aña 1986 te cu aña 2001 mi tabata miembro di Parlamento y pa mas o menos 5 aña mi tabata tin e funcion como Presidente di Parlamento.

For di ki tempo Sr. Marco a cuminsa skirbi?

Mi a cuminsa skirbi algun poesia cu ta toca e tema di e historia di Aruba na aña 1998 y mas despues a nace e idea pa publica un buki cu ta conta un tiki di e

historia di nos piscadornan. E inspiracion pa skirbi e buki aki a bin dor cu ami a lanta mey mey di e hendenan aki. Mi a nace den e bario di "Monserat" na Noord, cu tabata keda banda di laman. Mi tata, J.M. Christiaans, tabata un piscador di profesion y for di chikito caba mi tabata tin un aprecio grandi pa e hendenan aki.

Con señor Christiaans a haci e investigacion pa e buki aki?

Mi a entrevista diferente piscador di edad, cu a dunami informacion encunto con e bida di un piscador tabata na comienso di siglo 19. Den e epoca ey nan tabata usa botonan di bela, kier men ora cu no tabata tin biento nan mester a keda para canti lama, sin por a bay pesca. Hopi di e personahenan cu mi a usa den mi buki ta basa riba personanan real cu tabata piscador e tempo ey. E buki aki bo por considera como un

homenahe na e hendenan aki cu tur dia tabata sali riba lama, cu hopi curashi, pa asina por a gana nan pan di cada dia.

Sr. Marco por tin algun mensahe pa Aruba?

Mi mensahe ta: Cuida nos isla. Awendia tin hopi cos ta pasando rond mundo, p.e. gueranan, atakenan di terrorismo, matamento, etc. Nos ta dichoso cu riba e isla chikito aki ainda ta reina pas y tranquilidad.

Nos mester sa di mantene nos norma y balornan na halto, pa asina nos por sigui disfruta di nos dushi isla

E buki "Perseverancia" ta obtenibel na varios libreria rond di nos isla.

Busca semper literatura cu ta enrikece bo biblioteca di bida.



Sanex

look and feel healthy



Agente: LENOR NV.